

SAMÞYKKT

um breytingu á samþykkt um stjórn Vestmannaeyjabæjar og fundarskóp bæjarstjórnar nr. 37/2002.

57. gr. samþykktarinnar verður svohljóðandi:

Bæjarstjórn kýs í eftirtaldar nefndir, ráð og stjórnir:

A. Til eins árs. Á fundi í júní ár hvert:

1. *Bæjarráð*. Þrír aðalfulltrúar í bæjarstjórn sem aðalmenn skv. 38. gr. sveitarstjórnarlaga nr. 45/1998.
2. *Íþrótta- og æskulýðsráð*. Í íþróttaráð skulu kosnir fimm aðalmenn og fimm til vara. Íþrótta- og æskulýðsráð hefur með höndum stjórn íþróttamála, þar með talda stjórn íþróttamannvirkja og stjórn félagsstarfs unglinga á vegum bæjarfélagsins. Íþrótta- og æskulýðsráð starfar samkvæmt þeim reglugerðum sem bæjarstjórn kann að setja á hverjum tíma.
3. *Menningarmálanefnd*. Þrír aðalmenn og jafnmargir til vara skv. 7. gr. laga um almenningsbókasöfn nr. 36/1997. Menningarmálanefnd fer með stjórn safna bæjarins og aðra þá þætti er varða menningarmál á vegum bæjarsjóðs.
4. *Nefnd um málefni ungs fólks*. Þrír aðalmenn og jafnmargir til vara. Nefndin starfar sem undirnefnd fyrir íþrótta- og æskulýðsráð og verða fundargerðir nefndarinnar lagðar fyrir ráðið til staðfestingar. Æskilegt er að nefndina skipi eingöngu ungt fólk á aldrinum 16–30 ára.
5. *Samgöngunefnd*. Nefndin er skipuð þremur fulltrúum kjörnum af bæjarstjórn og jafnmörgum til vara. Auk þess skulu tveir fulltrúar tilnefndir af atvinnulífinu í Vestmannaeyjum og skal annar þeirra vera frá Ferðamálasamtökum Vestmannaeyja. Nefndin skal vera bæjarstjórn Vestmannaeyja til ráðuneytis í samgöngumálum.
6. *Starfskjaranefnd*. Tveir aðalmenn og jafnmargir til vara. Starfskjaranefnd er kosin samkvæmt sérákvæðum í kjarasamningi milli Vestmannaeyjabæjar og Starfsmannafélags Vestmannaeyjabæjar frá 1. mars. 1997 til 1. maí 2000 og annast úrlausnir minniháttar ágreiningsmála og túlkun kjarasamninga.
7. *Stjórn lífeyrissjóðs*. Einn aðalmaður og annar til vara auk bæjarstjóra sem er formaður stjórnarinnar. Stjórn Lífeyrissjóðs starfsmanna Vestmannaeyjabæjar fer með stjórn lífeyrissjóðsins og fjárreiður hans samkvæmt reglugerð sjóðsins frá 5. september 1994 með síðari breytingum.
8. *Stjórn sparisjóðs*. Tveir aðalmenn og jafnmargir til vara skv. 36. gr. laga um viðskiptabanka og sparisjóði nr. 113/1996 og samþykktum Sparisjóðs Vestmannaeyja frá 3. desember 1942 með áorðnum breytingum.
9. *Þróunarfélag Vestmannaeyja*. Þrír aðalmenn og jafnmargir til vara. Jafnframt er í nefndinni einn fulltrúi samstarfsnefndar Háskóla Íslands og Vestmannaeyjabæjar og annar fulltrúi atvinnulífsins.

B. Til fjögurra ára. Á fyrsta eða öðrum fundi að afloknum bæjarstjórnarkosningum:

1. *Almannavarnanefnd*. Tveir aðalmenn og jafnmargir til vara skv. 8. gr. laga um almannavarnir nr. 94/1962, sbr. 5. gr. laga nr. 85/1985.
2. *Félagsmálaráð*. Fimm aðalmenn og jafnmargir til vara skv. 5. gr. laga um félagsþjónustu sveitarfélaga nr. 40/1991. Félagsmálaráð hefur með höndum framkvæmd félagsmálastarfs kaupstaðarins. Félagsmálaráð fer með verkefni barnaverndarnefndar skv. 10. gr. barnaverndarlaga nr. 80/2002, forvarnir í vímuefnamálum og stjórn félagsstarfs unglinga. Einnig fer félagsmálaráð með þau mál sem fjallað er um í lögum um félagsþjónustu sveitarfélaga nr. 40/1991 að svo miklu leyti sem öðrum nefndum eru ekki falin þau verkefni samkvæmt sérlögum.

3. *Fulltrúaráð Brunabótafélags Íslands*. Einn aðalmaður og annar til vara skv. 9. gr. laga um Eignarhaldsfélagið Brunabótafélag Íslands nr. 68/1994.
4. *Fulltrúaráð Sambands íslenskra sveitarfélaga*. Þrír aðalmenn og þrír til vara samkvæmt lögum um Samband íslenskra sveitarfélaga.
5. *Hafnarstjórn*. Fimm aðalmenn og jafnmargir til vara skv. 9. gr. hafnalaga nr. 23/1994. Hafnarstjórn starfar samkvæmt ákvæðum hafnalaga nr. 23/1994 svo og hafnarreglugerðar fyrir Vestmannaeyjahöfn nr. 377/1985.
6. *Húsnæðisnefnd*. Þrír aðalmenn og jafnmargir til vara skv. 6. gr. laga um húsnæðismál nr. 44/1998.
7. *Jafnréttisnefnd*. Þrír aðalmenn og jafnmargir til vara. Jafnréttisnefnd fer með jafnréttismál, sbr. lög um jafna stöðu og jafnan rétt kvenna og karla nr. 96/2000.
8. *Kjörstjórn*. Þrír aðalmenn og jafnmargir til vara skv. 14. gr. laga um kosningar til sveitarstjórna nr. 5/1998 og 15. gr. laga um kosningar til Alþingis nr. 24/2000, kosnir á fyrsta eða öðrum fundi bæjarstjórnar. Undirkjörstjórnir: Þrír aðalmenn og jafnmargir til vara. Undirkjörstjórnir eru jafnmargar og fjöldi kjördeilda. Heimilt að kjósa síðar.
9. *Landnytjanefnd*. Þrír aðalmenn og jafnmargir til vara. Nefndin er bæjarstjórn til ráðuneytis um ráðstöfun landnytja, svo sem um leigu beitolands og garðlanda, úthlutun veiðileyfa, svo og um veitingu leyfa til búfjárhalds. Hún skal einnig sjá um fjallskil og fódurgæslu. Landnytjanefnd fer einnig með hlutverk gróðurverndarnefndar samkvæmt 19. gr. laga um landgræðslu nr. 17/1965. Formaður nefndarinnar gegnir starfi búfjárefnirlitsmanns samkvæmt lögum um búfjárhald o.fl. nr. 103/2002.
10. *Skipulags- og byggingarnefnd*. Fimm aðalmenn og jafnmargir til vara skv. 6. gr. skipulags- og byggingarlaga nr. 73/1997. Jafnframt fer hún með umferðarmál, sbr. 2. mgr. 116. gr. umferðarlaga nr. 50/1987. Þegar fjallað er um ferlimál fatlaðra skal kalla til áheyrnarfulltrúa frá samtökum þeirra.
11. *Skólamálaráð*. Fimm aðalmenn og jafnmargir til vara skv. 13. gr. laga um grunnskóla nr. 66/1995. Nefndin fer með málefni Tónlistarskóla Vestmannaeyja skv. 2. gr. laga um fjárhagslegan stuðning við tónlistarskóla nr. 75/1985, sbr. lög um verkaskiptingu ríkis og sveitarfélaga nr. 87/1989. Nefndin fer einnig með málefni Listaskóla Vestmannaeyja. Skólamálaráð fer jafnframt með verkefni leikskólanefndar skv. 9. gr. laga um leikskóla nr. 78/1994.
12. *Skólanefnd framhaldsskóla*. Tveir aðalmenn og jafnmargir til vara skv. 6. gr. laga um framhaldsskóla nr. 80/1996 og reglugerð um skólanefndir við framhaldsskóla nr. 132/1997.
13. *Stjórn Heilbrigðisstofnunarinnar í Vestmannaeyjum*. Þrír aðalmenn og jafnmargir til vara skv. 30. gr. laga um heilbrigðisþjónustu nr. 97/1990.
14. *Umhverfisnefnd*. Þrír aðalmenn og þrír til vara. Nefndin hefur á hendi náttúruvernd og umhverfismál þar með talin útivistarsvæði og fólkvanga ef stofnaðir eru. Starfssvið nefndarinnar markast m.a. af ákvæðum 10. gr. laga um náttúruvernd nr. 44/1999.
15. *Heilbrigðisnefnd Suðurlands*. Einn aðalmaður og annar til vara skv. 11. gr. laga um hollustuhætti og mengunarvarnir nr. 7/1998 og samkomulagi Samtaka sunnlenskra sveitarfélaga og Vestmannaeyjabæjar um fyrirkomulag heilbrigðis- og mengunarvarnaeftirlits í Suðurlandskjördæmi frá 5. janúar 2000.
16. *Skoðunarmenn*. Tveir aðalmenn og jafnmargir til vara skv. 69. gr. sveitarstjórnarlaga nr. 45/1998.
17. *Þjónustuhópur aldraðra*. Tveir aðalmenn og jafnmargir til vara skv. 7. gr. laga um málefni aldraðra nr. 125/1999. Jafnframt tilnefnir héraðslæknir lækni, með sérmenntun á sviði öldrunar- eða heimilislækninga, og hjúkrunarfræðing, með þekkingu á öldrunarþjónustu. Samtök eldri borgara tilnefna einn fulltrúa úr sínum röðum. Bæjarstjórn velur þjónustuhópnum formann úr hópi nefndarmanna.

Samþykkt þessi, sem bæjarstjórn Vestmannaeyjabæjar hefur sett skv. 10. og 25. gr. sveitarstjórnarlaga, nr. 45/1998, staðfestist hér með til að öðlast þegar gildi.

Félagsmálaráðuneytinu, 7. október 2002.

F. h. r.

Hermann Sæmundsson.

Guðjón Bragason.

REGLUGERÐ

um breytingu á reglugerð um almannaflyg nr. 488/1997 með síðari breytingum.

1. gr.

Við grein 1.0 bætast eftirtaldar orðskýringar í stafrófsröð:

Hámarksflugtaksmassi miðað við burðarþol (Maximum structural take-off mass): Mesti leyfilegi heildarmassi flugvélar við upphaf flugtaksbruns.

Tómaþungi (Empty weight): Grunnþyngd loftfars að viðbættum föstum val- og sérbúnaði en án lausahleðslu, þ.e. áhafnar, eldsneytis og arðhleðslu.

2. gr.

Síðari málslíður d-liðar gr. 4.4.1 fellur brott.

3. gr.

Á eftir gr. 4.19 koma fjórar nýjar greinar, svohljóðandi:

4.20 Ákvörðun tómaþunga.

Skráður umráðandi flugvélar skal ákvarða tómaþunga og þyngdarmiðju hverrar flugvélar með því að láta vigta hana áður en hún er fyrst tekin í notkun. Flugvélar með hámarksflugtaksmassa 2730 kg og meira skal eftir það vigta á 5 ára fresti. Flugvélar með hámarksflugtaksmassa undir 2730 kg skal vigta á 10 ára fresti. Gera skal grein fyrir samanlögðum áhrifum breytinga og viðgerða á tómaþunga og jafnvægi og skrásetja á tilskilinn hátt. Flugvélar með hámarksflugtaksmassa undir 2730 kg sem eingöngu eru notaðar í einkaflugi þarf ekki að endurvigta ef sýnt er fram á að haldin hafi verið skrá um breytingar og viðgerðir og áhrif þeirra á tómaþunga og jafnvægi. Vigta skal flugvélar ef ekki er vitað nákvæmlega um áhrif breytinganna á tómaþunga og jafnvægi.

4.21 Massi og jafnvægi.

4.21.1 Flugstjóri skal sjá til þess að í öllu flugi sé hleðsla, massi og þyngdarmiðja flugvélar jafnan í samræmi við þær takmarkanir sem tilgreindar eru í samþykkttri flughandbók flugvélarinnar eða flugrekstrarhandbók ef hún er meira takmarkandi.

4.21.2 Flugstjóri skal fyrir hvert flug gera massa- og jafnvægisútreikning sem sýnir að hleðslu og dreifingu sé þannig háttað að ekki sé farið yfir massa og jafnvægismörk fyrir flugvélinu.

4.21.3 Flugstjóri skal ákvarða massa eldsneytis á flugvél út frá raunverulegum eðlismassa eldsneytisins eða ef eðlismassi eldsneytisins er ekki þekktur, með aðferð sem tilgreind er í flughandbók flugvélarinnar.